

四庫全書

史部

欽定四庫全書

八旬萬壽盛典卷二十三

聖功

六 附載平定臺灣二

六月

駕駐避暑山莊以平定臺灣大功告成

御製記文勒碑於承德府

文廟

御製平定臺灣告成熟河

文廟碑文

戊申

昨記平定臺灣生擒二克之事亦既舉平伊犁定回部
收金川為三大事專文勒太學其次三為誅王倫翦蘇
四十三洗田五以在內地懷慚弗鄉其事而平定臺灣
介其間固弗稱勒太學然較之內地之次三則以孤懸
海外事經一年命重臣發勁兵三月之間擒二克定全
郡斯事體大訖不可以不紀因思熱河

文廟雖承德府學耶而余每至山莊必先瞻拜廟貌秋

仲丁祭常遣大學士行禮則亦天子之庠序矣且予去歲籌畫臺灣之事日於斯

天祐予衷命福康安海蘭察率百巴圖魯以行及簡精兵近萬亦發於斯而諸臣涉重洋冒艱險屢戰屢勝不數月而生擒二兇且無一人受傷者是非

上蒼默佑

海神助順曷克臻斯則予感謝之誠兢業之凜亦實有不能已於言者籌於斯發於斯臻於斯

文廟咫尺我

先師所以鑒而呵護者亦必在於斯記所謂受成告成
正合於是地也則平定臺灣告成熱河

文廟所謂禮以義起非創實因且予更有深幸於衷而
滋懼於懷者予以古稀望八之歲五十三年之間舉武
功者凡六七胥善成其一惟征緬之事以其地卑濕瘴
癘我軍染病者多因其謝罪求罷兵遂以振旅是其事
究未成也近據雲南總督富綱奏報緬甸謝罪稱臣奉

貢之事命送其使至熱河將以賜宴施惠是則此事又以善成於斯矣夫奉

天治民百王誰不為天子而予以涼薄仰賴

祖宗德施受

天地恩眷獨厚近八旬之天子藏八事之武成於古誠稀示後有述使一事尚留闕欠予之懷慚終不釋也自今以後益惟虔輦持盈與民休息敢更懷佳兵之念哉夫天地天子之父母也子於父母之恩不可言報中心感激

弗知所云繫之辭曰

瀛壖外郡閩嶠南區厥名臺灣古不八圖神禹所畧章
亥所無本非扼要棄之海隅朱明之世始聞中國紅毛
初據鄭氏旋得恃其險遠難窮兵力每為閩患訖無寧
息

皇祖一怒遂荒南東郡之縣之闕我提封一年三熟蔗薯
收豐漸興學校頗晉生童始之畏途今之樂土大吏忽
之恣其貪取

臺灣遠隔重洋風濤冒涉其始陞調之員
原以為畏途既以該郡物產豐饒頗獲厚

利調任之員不以涉險為慮轉且視為樂土如近日福康安等參奏文職自道員以至廳縣武職自總兵以至守備千總巡查口岸出入船隻於定例收取辦公飯食之外婪索陋規每年竟至盈千累萬而蓄撫大吏輒委之耳目難周不能詳查於是益無忌憚茲據參奏不可以不分別嚴加懲治以儆官邪而中國憲

既嬉

其文復恬其武匪今伊昔叛亂屢覩向辛丑年昨丙午

歲一貴奕文其亂為最

地方文武既皆習於恬嬉則文員祇知飽慾墜豈復以撫字為

心武員甚至縱兵離營年利自總兵以下各衙門設立四項聽差名目多者三百人少亦三十餘人存營之兵幾無又豈復以操練為事以致奸民既得藉口更無畏心煽誘愚民屢形叛亂其甚者如康熙辛丑年之朱一貴及昨丙午歲之林奕文糾眾戕官據城僭號更為罪大惡極水陸提督發兵於外奈

相觀望賊勢張大

林爽文滋事之始水師提督黃仕簡陸路提督任承恩一同帶兵渡海謂

可即時撲滅不意南北互相觀望遂致賊勢日益披猖

天啓予衷更遣重臣百巴圖魯勇皆絕倫川湖黔粵精兵

萬人水陸並進至海之濱

上年正月雖燭於幾先命李侍堯代常青為總督而以常

青為將軍專司征勦常青究未經行陣祇能保守府城不能奮加勦殺幸天牖予衷六月內即諭令福康

安入覲熱河繼而常青亦請旨令簡重臣來閩隨於八月初命福康安為將軍海蘭察為叅贊帶巴圖魯侍衛章京等百人並預調四川屯練二千廣東兵三千湖南兵二千貴州兵二千水陸並進以待福康安至彼領勦

至海之濱崇武畧駐後兵到齊恬波徑渡一日千里以

遲為速

叶

百舟齊至

神佑之故

福康安等至廈門於十月十一日自大擔門開舟連次遇風阻回復在崇武澳守候逾旬

適四川屯練與廣西之兵踵至而風亦轉利遂於二十八日申刻放洋至二十九日申刻兵船共百餘隻齊抵鹿仔港千里洋面一日而達其始似覺遲滯而既渡之後所向無前轉得迅歲大功信非神靈佑助何以至

是馳救諸羅郡賊蜂擁列陣以待不值賈勇如虎搏兔

案角隴種頃刻解圍義民歡動

維時賊匪久圍諸羅間大兵既至亦蜂擁迎拒

福康安海蘭察及巴圖魯等即日統兵前進勦殺無算立即解圍義民等無不歡忻踴躍出城迎師斗六

之門賊為鎖鑰大里之杙更無巢落長驅掃蕩如風捲

擇夜攜眷屬內山逃託

斗六門為賊門戶最為險要官兵乘銳立拔隨即搗其大里枋

巢穴林奕文膽落連夜攜其家屬逃至埔裏社一帶遂成釜底游魂矣

生番化外然亦人

類休之以威賚之以惠彼知畏懷賊竄無地遂以成擒

藝文首繫

先聞林奕文計窮即欲逃入內山而生番狙獠未必能喻利害或將逆首藏匿則難速藏

預命福康安既休以威復賚以惠生番等果即傾心効命協同官兵社丁人等竟於正月初四日在老衢崎地方將林奕文生擒解京俾元惡不致漏網可知凡狼狽有血氣無不各知自為顧所以經理者得當否耳

為奸留一弗可自北而南如上臨下海口遮羅山塗

關鎖遂縛大田畧無遺者

叶林奕文逃入內山勢已成擒莊大田在鳳山一路窺

伺府城慮其事急遁海而逸乃福康安悉心籌畫預令
烏什哈達帶水師兵丁絕其去路而分巴圖魯等為六
隊各自山梁挨次排下四面合圍適值順風烏什哈達
水師兵丁連牆而至沿海密市莊大田逃竄無路立即
就擒並其頭目四十餘人無一脫者又殺賊衆二千餘
名又有逃入柴城瑯嶠各番社者三百餘人被生番等
立即擒獻伏誅於是賊匪一
時殲戮殆盡合郡頓稱平定 二人同心其利斷金曰福

康安智超謀深曰海蘭察勇敢獨任三月成功勲揚古
今既靖妖孽當安民庶善後事宜康安並付定十六條

諸弊祛故永奠海疆光我王度

此次臺灣用兵其始不能滅賊非盡由士卒怯

懦之故亦由領兵者不得其人遂至稽延時日若福康
安之智謀算無遺策海蘭察之勇敢所向披靡可謂一

時無雨而又同心共濟以此士卒用命勢如破竹未及三月而大功告成洵能不負任使至於平定之後不可不亟籌善後之方以為永靖之計嗣據福康安奏定議除積弊十六條俱能悉心籌酌切中肯綮已令大學士九卿議行以後地方文武實力凡八武成蒙佑自遵守海疆庶可永慶安恬矣

天雖今耄耄敢弛惕乾如曰七德實無一焉惟是敬勤勵以永年

命以紀事語及平定臺灣功臣像贊序告成熱河文廟碑記勒石臺灣及廈門

乾隆五十三年三月十一日奉

上諭此次勦捕臺灣逆匪軍書籌筆宵旰焦勞一切緊要機宜朕思慮所及隨時指示福康安等稟承方略擘畫周妥仰賴

上蒼眷佑於三月之間生擒二逆首全郡賊氛掃蕩無遺現屆大功告成所有辦理此事顛末曾親製紀事語二篇及平定臺灣功臣像贊序一篇備述用兵機要及賞功罰罪諸大端而一本於敬

天勤民孜孜不怠之心宜勒之貞珉以昭彰瘴著將御製

文三篇用清漢字書寫發交福康安李侍堯於臺灣
府城及廈門二處建碑碣三座照依尺丈慎選石工
妥為鐫刻俾巖疆海徼咸喻朕勤政愛民明慎用兵
之意

六月初三日奉

上諭從前平定伊犁回部大小金川皆於太學立碑以
示武功臺灣不過亂民聚衆海島一隅雖不值刊碑
太學而此次辦理迅速首夥生擒亦不可無紀實之

作朕現在駐蹕熱河欲將此次平定臺灣事蹟御製
記文於熱河

文廟大成門廡內嵌石刊刻俾振武敷文盛軌永昭工
塞侯記文製就後當一併發與福康安等在臺灣厦
門等處配建碑亭勒石所有前次發去之御製文三
篇著福康安等暫緩鐫刻俟此次記文發往後一同
敬謹摹勒庶規模丈尺咸歸畫一足以壯觀瞻而垂
久遠

命刻臺灣戰圖

製詩紀績

御製臺灣戰圖補詠四首

有序

己酉

丙戌年曾為西師戰圖補詠六首序而行之蓋其事
歷五歲地逾萬里部為兩類故久稽博訪而後圖成
茲臺灣之役雖越重洋至內山撫生番然成功未至
三月全師凱旋前席親詢歷歷明明故前已詠而後
茲補隔歲而歲以全雖然余更有深懼於斯者焉二

逆脩理倡亂

天鑒昭然其取滅亡固不待數計而龜卜也然而林奕文既入內山欲南赴莊大田忽自疑而北返是一奇也

林奕文當大里代既破之後向南逃至集集埔小半於南路阿裏山等處派兵預防竄逸並屢次拿獲林奕文莊大田通信之人賊人彼此既不知去嚮而林奕文似又不甘投奔莊大田處且其始本欲以內山為遁跡之所以為官兵必不能窮追至此於是遲疑向北復至生番獅頭屋麓等社不知福康安先已厚賞諄諭各社協力同緝追奔數百里剿殺萬餘人遂於老衢峙地方將林奕文擒獲莊大田實近海而弗逃海以入內山

又一奇也

莊大田聞福康安帶領巴圖魯及各省勁兵過海亦知畏懼惟不能得北路林奕文

信息是以尚復窺伺府城但當大兵南下之時莊大田在鳳山一帶距海甚近意其必即赴海逃遁以圖倖免乃又被官兵追殺至極南鄉嶠山內而各社生番俱受福康安預飭非惟不敢容留並且一同堵截於是官兵分隊四面合圍將莊大田及其大頭目四十餘人一并生獲即此足驗

上蒼佑助也 幸

而福康安預諭內山生番厚與賞項故內山之番皆為我用二逆皆為番所遮以就我兵之擒是豈人力哉

天也

上天佑予並佑予所用之臣所發之兵不有圖形紀勳以旌其勞亦非所以答

明賜而示後昆也且福康安者故大學士傅恒之子而孝賢皇后之姪也使不能成此功朕必重罪之今幸成此大功愜予之望不重賞以表忠則予為矯情其何以勵衆臣哉故予之愜願在茲懼懷亦在茲觀斯文者其庶幾有以諒予乎亦庶幾有以知予乎

大埔林之戰

諸羅圍解即進攻斗六門賊匪萬餘分據大埔林各
莊阻截道路福康安令晉吉保等進攻大埔林鄂輝
等進攻大埔尾海蘭察等率兵馳射克其中林於是
大埔林大埔尾同時並潰追奔二十餘里殺賊六七
百名鎗斃賊目十餘人賊氣遂奪

諸羅圍解迤南通

福康安等於上年十一月初八日既解諸羅圍後自山麓以至瀕海村莊

為賊所佔據者即日奮勇剿殺全行收復而普爾普亦即將迤南至府城道路打通於是大兵得以專力直攻
斗六門奪斗六門當所必攻不與暇因操勝計破其堅
賊要隘

乃易成功路經三埔皆酣戰賊擁千羣尚肆詎大膊大
繫消頃刻雄風何異捲飛蓬

集集埔之戰

賊巢既破林爽文同賊夥往來水沙連之水裏社等
處預為退守地步而集集埔為入山要路地形斜夾
南北兩山中橫大溪名濁水溪沿溪數萬畝田藉此
灌溉賊匪壅遏溪水既為迫脅良民之計並壘石陡
塙上阻溪自固及官兵至溪賊約萬餘人蔽牆發火

器官兵排鎗前進無用大礮斃賊甚衆海蘭察等乘馬浮過福康安等督催官兵齊進人人泅水徑渡直摧賊壘自入內山戰功此為第一

攻開大里逆潛逃領衆進踪佈置牢齊率健兵涉溪險

別差精騎據峰高

賊匪固守集集埔並於北山草嶺設卡自防福康安派令普爾普許世亨

等由山路進攻及官兵過溪普爾普等亦攻克草嶺前來會合痛加勦洗有奔無路賊投水

官兵既克集集埔雖將溪水當時開放而一時不能盡瀉其老幼婦女不及奔避投水死者不可勝數恩

并威行士飲醪此是內山第一戰首克將待釜其膏

大武壠之戰

小半天山戰勝之後林爽文旋即就擒福康安遂移師而南圖剿莊大田維時南路賊匪屯聚大武壠山內於是有大武壠之戰

首逆已從內山獲次惟南路大田莊存
北路林爽文雖已就擒而莊大

田在鳳山一帶尚復窺伺府城設令事急遁海逃遁勢難捕獲迨後福康安令烏什哈達帶水師戰艦絕其去

路并即生擒大田真所謂自作孽不可追也當車尚作螳臂計武壠安傳蟻

陣屯

福康安詢知南路賊匪屯聚大武壠山內令鄂輝許世亨烏什哈達六十七等於正月十九日帶兵

前進賊匪放鎗礮抵禦官兵撲上山梁壓下趕過大武
壠河殺賊三百餘名生擒一百餘名過普爾普亦由內
山大埔等處搜勦至大武壠隘口帶領格綱額等分路
迎賊斬首四百餘級生擒一百二十餘名餘黨旋即潰
竄搜戾破堅千隊奮駭驚喙竄一時奔舟師更遣預防

海餘猺

林奕文為狼莊
大田則猺也

真成釜底魂

枋寮之戰

餘匪自大武壠南下復在枋寮聚集福康安至牌頭
即令海蘭察鄂輝等進剿福康安沿途搜捕隨後接
應殺獲無算莊大田勢已成擒矣

枋寮武壠比鄰接敗後賊人聚守岑頗解沿山截後路

那防勦隊出深林

正月二十六日賊匪二千餘人沿山抄截官兵後路海蘭察與賊遇即分

穆克登阿梁朝桂等備賊南來分許世亨六十七烏什哈達等回兵迎擊而自由蘆園內出其不意橫衝賊陣射死賊目十餘人殺賊三百餘名乘勝追至海岸復殺賊一千餘名其餘自行投海及擠入海淹斃者不計其數奪獲馬匹鎗礮器械甚夥蜂屯蟻聚都喪膽倡亂呈奸爾悔心投

海沙蟲不計數大田山竄待生擒

莊大田若使預逃入海當亦無計窮追惟

其奔竄內山於是福康安令巴圖魯等分隊合圍不啻待擒伏法可知覆載不容斷難漏網有若陰奪其魄者然

七月

賜凱旋將軍福康安叅贊海蘭察等宴並

命於臺灣建功臣生祠

御製賜凱旋將軍福康安叅贊海蘭察等宴即席成
什

去年此際未登程藏緒今朝凱宴迎來往算仍先一月

福康安於上年八月初旬由山莊奉命前往督剿驅馳
今以七月望後凱旋來此復命計期尚未及一年

真是賴羣英國威海嶠揚惟烈

祖德山莊佑實明迴憶肝宵斯擘畫不徒勞耳慰猶誠

慰中豈不自懷慚何致愚民蹈法甘論武邊防乃就弛

曰文諸吏率為貪臺灣設立總兵道府大員如果皆能實心整頓奸匪何由匿跡乃武職不

以操防為事文職專以肥索居心於是年利遂致吏治兵防日以廢弛而逆匪無所顧忌竟至釀成大案債

轅方悲誠吾過伏鑽奚辭信彼堪逆首林爽文等滋事之始總兵柴大紀始

則以回郡調兵為辭繼則遷延不即前往剿賊方以困守諸羅邀予憐憫及福康安等至彼方悲其債事之由

已令革職拿辦治罪彼實不能巧言置辦也善後雖云大端定猶餘厘念望

東南福康安於平定臺灣後命留彼詳酌善後事宜大端已定惟是有治人無治法因思普吉保於臺灣

總兵名望未足以資彈壓而奎林獲咎尚輕其操守訓練乃所深信即令往代普吉保為總兵庶可望其整肅

戎行俾東南海

隅永臻寧謐

善後詳陳十六條用斯兩月駐成遙

臺灣善後事宜必得福康安之忠誠

明練方可籌畫及詳陳事宜十六條果皆悉中弊源抒

命廷臣集議准行而福康安歸期以此遂遲兩月猷山海安萬姓錫宴君臣會一朝念汝父當懷懷永視

如子合受恩饒受恩饒處人知否不嗜殺邀

天惠昭

逆匪林爽文等固屬罪大惡極然亦有良民被其迫脅者悲予駢誅亦殊可憫瀕行時因即諄

戒以脅從罔治之義而福康安果能體予之心專意生擒渠魁惟抗拒者痛加剿洗凡歸降者概從寬貸即以

不嗜殺一念乃其克膺恩眷者也

西域金川宴紫光臺灣凱席值山莊敢稱七德七功就

予自即位以來弗敢輕言用兵然前次平伊犁定回部收金川誅王倫翦蘇四十三洗田五及茲俘林爽文而七要皆不得已而用之故皆仰邀天鑒俱獲成功若唐太宗之修陳七德以為己功則實自慙耳又

報一歸一事償

社歲緬甸之役亦由事非得已彼時將計日藏事予以水土惡劣憐我將士多

受病者適緬酋亦籲求貸罪遂令撤兵乃二十年來業已置之度外近據雲南督臣富綱奏新掌緬甸國事孟

隕進貢稱臣是此一事雖未就於當戒滿持盈增惕永

年而此日之歸誠亦可償予夙願矣

安民和衆繫懷長養年歸政應非遠益此孜孜勵自強

八月十九日奉

上諭前因臺灣賊匪剿捕完竣但該處民情剽悍雖經
此番懲創恐事過即忘不足令其怵目儆心常思安
分特令於臺灣建立福康安海蘭察等生祠俾民人
望而生惕昨據徐嗣曾奏臺灣應建生祠擬於御碑
亭後附連建蓋因思福康安海蘭察等帶兵渡臺勦
賊固屬有功而李侍堯在泉州廈門一帶辦理軍需
始終無悞徐嗣曾前赴臺灣幫辦善後一切亦為妥

協且督撫為守土大員若不得與帶兵之將軍叅贊
等同沐褒功之典亦恐該處民人意存輕視李侍堯
徐嗣曾著准其一體列入侯生祠建竣後所有設立
木牌福康安自當居中其左則海蘭察右則李侍堯
左次普爾普右次鄂輝左再次徐嗣曾右再次舒亮
並將御製功臣生祠詩一首誌事詩一首繕寫清漢
字發往一併刊刻碑旁以示朕優獎勤勞至意

御製命於臺灣建福康安等功臣生祠詩以誌事

戊申

三月成功速且奇紀勲合與建生祠垂斯琬琰忠明著
消彼萑苻志默移臺地期恒樂民業海灣不復動王師

曰為曰毀似殊致

近年以各省建立生祠最為斯世盜名惡習因令嚴行飭禁並將現有者

概令毀去若今特命臺灣建立福康安等生祠實因臺
灣當逆匪肆逆以來荼毒生靈無慮數萬福康安等於
三月之內掃蕩無遺全郡之民咸登衽席此其勲績固
實有可紀且令奸頑之徒觸目警心亦可以潛消狼戾
是此舉似與前此之禁毀跡雖殊而崇實斥虛之意
則原相同孰能橫議且勵大小諸臣果能實心為國愛
民確有裒政者原
不禁其立生祠也崇實斥虛政在茲

恩准臺灣生番入

覲其屋鰲社頭目華篤由東等聞

旨准令入京即自行薙髮以表畏懷

臣福康安等為恭摺具

奏事竊查臺灣南北各路民人仰沐

恩施普加賑恤復於出力剿禦之村莊番社

特賞匾額以昭獎勵民番等感激歡呼歸莊益衆至內

山生番等雖野性難馴而懾以兵威結以恩信未

嘗不深知感畏向來地方官視為異類阻其向化

之心奸民等又復越界滋擾致啓釁端前臣追勦
逆匪時親至內山宣揚

威德該生番等皆知効順協力堵截實為出力可嘉茲
復欽奉

恩旨令查明出力生番優加

賞給派員前赴隘口傳

旨加恩無不歡欣踴躍出於至誠伏思此等生番既知

慕義自應廣示招徠民番等得以共慶

昇平相安無事

臣

曾遣熟悉番情之貢生張維光至番

社曉諭酌令生番頭目數人照四川屯練土司之

例進京瞻仰

天顏使化外番黎優霑

恩澤而海疆荒僻之地咸得被服

聲教永慶敕寧茲據張維光稟報生番等極為欣悅情

願前往如蒙

俞允請俟天氣涼爽交與徐嗣曾妥協辦理派員帶領

於年前至京是否可行伏候

訓示奉

硃批覽

乾隆五十五年

恩准臺灣生番入京恭祝

皇上八旬萬壽

生番人名恭
御製誌事詩

覲日期暨宴賞儀物
恩

賚
門

福建巡撫臣徐嗣曾跪

奏為恭報臺灣生番到省及臣帶領起程日期恭摺
奏

聞事竊臣前奉

上諭奎林奏稱獅仔等社生番頭目懷目懷等一十二
名籲懇祝釐洵屬好事徐嗣曾前已派令八月來京
祝嘏即著帶領行走照料一切更為妥善欽此茲據
護送委員泉州府知府徐夢麟稟報內渡生番頭
目一十二名及義民通事社丁等於四月初九日

自鹿耳門開船仰賴

聖主洪福一路海波恬靜十六日由廈門登陸於二十

八日行抵省城臣當即傳見並著通事宣諭

聖恩優加賞待各番目歡欣舞蹈咸頌

皇仁隨令知府徐夢麟並添委延平協副將特克什布

協同管帶該番目等於初三日自省起程按站行

走臣亦即起程馳赴前途妥為照料計至七月初

旬定可前抵熱河親率該番目共效

嵩呼恭預臚歡

慶典所有護送起程日期各緣由理合恭摺奏

聞伏祈

皇上睿鑒謹

奏奉

旨知道了

臣等謹案平定臺灣之役凡命將策兵籌餉感
賊諸事宜悉由我

皇上燭照公明指畫詳慎迅成克捷所謂遲在任事之外臣而速在籌策之

予心者二語實櫟括其要蓋自小蠢初萌即勞
睿算馳軍書而熟計易董帥以遙臨三月之間

天聲遠懾遂使勇騰憤將氣奮義民組繫俘人渠魁
並獲全郡因而底定應機之順莫逾於是焉觀
夫

文廟告成

祖徽善述所以迓

天地神明之佑者胥本兢兢業業以承之而刊圖繪像

加爵建祠諸典

宣威

旌勇次第舉行從此民歡宅里之榮吏戒恬嬉之習

烽塵息警署蔗慶豐賴茲

偉烈維揚允綏南嶠而屋鼃獅社之衆並得以優游

化宇効祝

添籌有共樂我

國家昇平悠遠之福於無疆者耳

八旬萬壽盛典卷二十三

欽定四庫全書

八旬萬壽盛典卷二十四

聖功

七

附載平定甘肅回

臣等欽惟

皇上仁化覃敷內輯編氓外拓疆土凡所以宣揚於鑠者皆本

天錫之智勇從無佳兵黷武之為至於不得已而用則古所稱應兵由乎道德齊禮教令或有弗從是用

炳斷幾先紓有嘉獲匪之策不威不懲義在是耳甘省
省回雜處與內地民人同在

光天化日安居聚族者有年乃乾隆四十六年遽值撒
拉爾回匪肆擾四十九年復糾其餘孽梗化滋萌
此實潢池小醜原未足重煩

九重霄旰之勞迺蒙我

皇上軫念邊隅

親籌謀畧

簡重臣馳勁旅擒渠掃穴先後蕩平既

製論著遲速之機為用兵者之所必慎復發明聖經宸
矜勿喜之義以

示一視同仁之本衷臣等欽懷

聖意謂置其事於弗薌而即小以見大惟不以

天寵自矜乃以荷

鴻釐而多貺十年中

聖武維揚赫怒篤此其一也謹約著其要次於平定

臺灣之後蓋以事之大小為序至奏記之繁則不贅叙云

乾隆四十六年三月

命大學士公

臣

阿桂尚書

臣

和珅等統兵勦捕

甘肅蘭州回匪六月馘獲首逆蘇四十三餘黨以次平之

乾隆四十六年三月二十九日奉

上諭據勒爾謹奏蘭州撒拉爾回匪蘓四十三等搶據

河州城勒爾謹因兵力尚少現在屯兵狄道州俟各路營兵調齊即行進剿等語現已傳諭西安提督馬彪帶兵二千名迅速前往並諭西安將軍伍彌泰寧夏將軍莽古賚各選集兵一千名預備倘須調用即令前往協同勦捕並于火器健銳兩營兵丁內挑選預備阿桂此時查辦河務已將次就緒著即速起程來京倘有必須勁旅之處阿桂即可帶兵前往著將前降各諭旨及勒爾謹仁和奏到各摺一併抄寄閱

看

四月初一日奉

上諭本日畢沅奏逆回進逼蘭州焚燒闕廟省城眼前
失事已飛扎文綬等調兵會勦復扎富勒渾雅德調
河南山西兵前赴西安聽調並懇迅發京兵熟悉軍
務大臣帶領前往等語昨已傳諭阿桂令其即由河
南星赴甘肅今逆回如此猖獗阿桂應迅速進行現
派尚書和珅額駙拉旺多爾濟領侍衛內大臣海蘭

察護軍統領額森特馳驛前往甘肅並派巴圖魯侍衛帶健銳營兵二千名火器營兵二千名即日分起迅速前往如和坤等先到甘省即行調遣辦理俟阿桂到彼即交阿桂接辦和坤仍即回京供職

御製確信

辛丑

彌月繾蘭州確信披驛至河州雖已復蘭州解嚴未

微拉

爾番回肆逆一案自三月三十日奏到以來屢念昨四月初六日據勒爾謹奏已克復河州省城圍解并有半月成功之語意謂事可速蕺乃今已及彌月直待大學士阿桂尚書和坤先後到蘭州奏明實在情形披閱始

覺明晰然得信已遲
致誤事機實堪憤懣
莊涼兵初集賊暫向山避
奏甘肅

提督仁和涼州總兵德寧等帶兵赴蘭州協勦奮勇殺
賊圖欽保復手刃數賊將賊衆擊退逃竄入華林山

時來竄焚擾城門原尚閉

四月廿九日據阿桂和坤奏伊
等未到之先蘭州西南關外一

帶通賊處所賊人竟敢往來任意搶劫民間牲畜口食
并於燒剩民房內藏匿乘間放火又於黑夜不過數人
潛至城下騷擾而守城兵丁虛張聲勢施行鎗砲徹夜
張皇和坤到彼始嚴飭禁止并搜捕殺賊數人又各路
所調之兵零星散處不俟力齊催令打仗以致間有傷
亡士氣不振現在阿桂等申明軍律激勵戎行并安設
卡棚彼此接應又於山間凡一大營照料各卡俾賊知
大兵逼近不敢不晝夜防守民心亦漸安貼等語如此
辦理始漸有就緒覽奏各勒爾謹誼奏謂半月功遂因
慰知賊渠將不日就擒矣

命所發兵中途回以暨

前勅爾謹奏現在所調各路官兵先後到蘭惟有公同商酌四

路擒剿並分派漢土官兵分途前往預備擒拿半月可以成功等語阿桂于途中聞此信遂令頭起領兵之人不必前往候旨而迴奏到因將所發健銳火起營京兵撤回其前調川兵及阿桂山兵亦經勒爾謹咨撤庸臣輕舉敗事未見面目類止援兵以致遲誤實為可恨設無此奏京兵及川兵阿拉山兵均早抵蘭州可以一鼓擒滅茲阿桂和坤復奏請選調川省曾經出師之屯練兵一千名阿拉山兵七百名兼程赴蘭協同剿捕此亦無聊之計雖現在軍容整頓壁壘一新奏功指日可期而前此舉甚屢易貽誤已多言之徒增慚恚耳

和坤及阿桂先

後到次第乃據實情報庸臣敗國事我兵初到蘭衆力未齊備率即驅之戰而又乏董帥一二致傷亡遂乃餒士氣

綠旗兵本怯聞戰先驚悸設京兵弗迴此時將逮至舉碁

屢易著兵法之所忌二臣

謂阿桂和坤

調川兵是亦無聊計

申律勵戎行鼓旗重新示儆轍雖抵罪貽悞已不啻功
雖指日歲盱食徒增恚庸臣誰所用自責誌吾媿

御製阿桂奏報撲殲賊營已誅賊首蘓四十三詩以誌

事 辛丑

番回滋事信竒談嘯合千人死守甘邪教縱能令志固

元戎原是用兵諳

前以撒拉爾番回蘓四十三肆逆官兵圍之於華林山而賊衆甘為死守

阿桂節次奏報調派官兵安設木填壕撲柵羣心奮斷
于斷絕水道諸務辦理皆合機宜
水焚糧衆力戢乃得一朝破巢險猶然數百冒鋒酣月

廿一日已刻據阿桂等奏到于本月十五日令海蘭察
明亮率同領隊大員并侍衛章京等帶領官兵屯練降
番及阿拉山兵先在卡邊埋伏相機進攻乘密雨時出
賊人不意將技網土袋拋填賊人所掘壕溝我兵奮勇
直進哈雷阿帶領川省降番首先躍入壕內與賊匪攪
殺官兵拋擲火彈乘勢擁進勦殺賊衆佔得賊卡賊壕
俱經折毀填塞海蘭察明亮督率官兵遠則鎗箭齊發
近則短兵相接各路官兵咸懷振奮分佔塲上賊卡海
蘭察明亮又擊立木柵帶兵直撲賊營痛加剿殺拋射
火箭火彈燒毀帳房板屋奪獲賊人刀矛鳥鎗無算餘
賊竄回華林寺死寸呈驗剖得賊首一百二十餘顆隨
令前此擒獲監禁之賊黨家屬逐一辨認據認出首逆

蘇四十三韓一捉把拉周阿渾即張懷德馬黑提卜等
首級確鑿無疑并據投出老教杜山別等供稱賊人彼
殺死并帶傷者三百餘人所存殘敗賊黨尚有二百餘
人遁入華林寺不敢復出現令官兵四面圍緊架砲轟
擊數日之內即可勦戮淨盡等語因明降諭旨將首先
奮勇出力之海蘭察明亮并哈當阿交部從優議叙其
餘在事出力員弁及受傷陣亡官兵查明分別議叙優
恤降番等聚行賞給一月錢糧以示獎勵并令阿桂將
蘇四十三首級傳諭各省
衆示俾回民共知儆戒
異哉狠戾撒拉爾誠矣倡狂

四十三不屑紅旗飛報捷但云巖事更云慙

御製阿桂奏報淨勦番回信至詩以誌事

辛丑

賊首雖斬陣餘黨十遺四乃竟弗出降死守華林寺釜

庖因仍鬪延廿日弗潰邪教固人心亦誠大奇事築柵

近逼之火攻下策試縱拚命跳踉圍戮無噍類勦回勦

斯藏飛章馳信至

賊首蘇四十三先於六月十五日經阿桂令海蘭察明亮等督率官兵直

入賊壕勦殺賊衆計取首逆蘇四十三等首級其餘黨四百餘人尚死守華林寺思欲乘隙突圍竄逸茲阿桂

奏報于七月初六日海蘭察明亮率同侍衛官兵等由華林寺撲入重重圍聚拋擲火彈鎗箭齊發短兵砍殺

生擒賊六十七名剖取首級四百五十寺內躲藏餘賊殲戮無遺不致一名漏網等語

因思一月

前賊或紛迸避爾時圍未週

使賊于一月前未立木柵時衝突而逃追捕正自費

力每名見軍機大臣等豫諭及此熟賊來自蘭州被官兵擊退後即死守華林寺俾我兵得拏柵環攻盡數勦

殺不留遺上蒼恩賜也尊實感鳥散艱羅致知不足為患當更延久

滯負嶠待盡殲誠感

天所賜然世有逆民即為君德累教化所未孚言及惟
抱愧

乾隆四十九年五月

命大學士公臣阿桂會同尚書授陝甘總督臣福

康安等統兵勦捕甘肅石峯堡回匪是月首
逆田五伏誅餘黨悉平

乾隆四十九年五月二十日奉

上諭甘省逆回滋事未能迅速剿滅已派福康安帶領
巴圖魯侍衛章京等前往勦辦着再派阿桂帶領侍
衛章京并京兵一千名分作五起阿桂先帶領頭起
由驛起程從河南一路行走前往其隨帶軍機處司
員並着一體馳驛

又奉

上諭現今阿桂前往甘肅會同福康安辦理勦賊事宜

所有福康安佩帶之欽差大臣關防即可令阿桂作
為將軍印信福康安海蘭察五岱等並為叅贊大臣
協同經畫至屆期進剿時賊匪內有應誅戮者即行
誅戮若俘獲賊首要犯酌揀數名派委幹練官兵護
送迅速解赴熱河務飭該解員等沿途小心防護毋
稍疎縱並於起解時飛咨所過省分督撫嚴飭地方
文武員弁按站派兵協同護解

御製陝甘總督福康安奏勦洗隆德店山梁賊匪詩

以誌事 甲辰

狂回倡新教潢池煽孽氛綠旗兵多懦是用遣重臣巴

圖魯侍衛速領掃邊塵

甘省逆回田五等倡興新教糾眾滋擾自四月十五日起事至

今兩月該督提等雖屢經殺賊并殲斃賊目田五等而
總督李侍堯不早起軍營督剿提督剛塔不嚴籌選戡
又綠營兵丁懦怯無能致賊匪於馬家堡馬營街兩次
翻山逃竄復得糾黨肆出於隆德靜寧伏羌之店店鹿
鹿山石峯堡等處勾結搶掠因命尚書福康安與領侍
衛內大臣海蘭察率領巴圖魯侍衛等帶領西安旗兵
及檄調寧夏阿拉山等處官兵進剿并
即命福康安為陝甘總督督兵勦賊
銳火器軍統之以宿將威名天下聞

次第發京兵健

福康安既督兵行復先後命大學士

阿桂尚書復與帶領健銳火器營勁旅二千名分隊前進以期迅掃賊氛雖彼小么麼何足稱

敵人肆掠其罪重迅靖期安民福康安先至旗鼓乃一新

茲福康安已於六月初七日先抵隆德軍營即命傳旨將李侍堯革職戴罪軍前効力剛塔革職拿問整頓兵力定期進剿軍威壯盛壁壘一新逆賊懾喪膽巢穴保死頻石峯厥巢

穴店店為戶門恃此為守禦蟻聚更蜂屯四路直攻進

逆賊分竄至伏羌城外即據五條等殲戮三百餘名又據傳玉奏於鹿鹿山殺賊六七百名而店店及潘龍等山梁均劉有賊營為賊人門戶其巢穴及潘龍等堡先是屢經傳諭福康安先洗隆德店等處之賊再以次搗石峯堡賊巢茲據福康安奏於十一日丑刻挑選奮勇弁兵三四千名分為四路令涼州鎮總兵蘓靈泰領

阿滿泰帶固原涼川兵由正路進攻總兵策卜坦三品

職銜

法靈阿巴圖魯章京等帶延綏肅州寧夏兵為一

路攻其左巴圖魯泰領巴達瑪副將和倫帶撒拉爾舊

教回

兵為一路攻其右阿拉山公多爾濟色布騰帶兵

為一路攻其傍海蘭察帶領巴圖魯侍衛等在各路誘

賊勤

殺復令侍衛台斐音阿福寧領兵往來邀截併分

兵於後聯絡放卡又旺沁班巴爾帶寧夏滿兵阿拉山

兵在

大兵後策應莽古賚催債進勦官兵乾糧并火藥

鉛彈并知會五位同日進攻福康安仍帶一可當百羣

領巴圖魯

侍衛督催各路指示攻勦機宜

大轉與大膊辰戰至酉申賊眾乃大敗逃竄逆紛紛營

卡奪十餘山梁據以陳至官兵分作四路前進合力截殺

發拜唐

阿薩克丹布鎗斃騎馬賊日一人官兵等奮勇

追擊殺死賊人二百餘名生擒賊三十餘名奪得賊人

所佔山梁賊營四座賊千十餘處器械帳房牛羊糧食無數海蘭察等追趕敗竄餘賊又殺死一百餘名是日官兵即於所得賊營屯紮并於左右山梁放千駐守搜捕餘賊以清糧道即統兵進攻石峯堡直搗賊巢此次福康安海蘭察等帶領官兵初次進剿即能迅速掃清店賊匪可嘉之至因各賞給大小荷包并命查明出力員弁分晰具奏交部議叙

將進攻石峯指日捷音臻

御製大學士阿桂陝甘總督福康安奏殲擒石峯堡賊

回淨盡誌事三十韻

甲辰

邪回倡新教畧經數年矣厥有馬明心回民倡禍始僧之一炷香道之五斗米本因歛貨賄遂至兵戈起明心

被人訐拘繫囹圄裡而蘇四十三竟敢欲救彼彼實撒

拉爾番回而已耳

辛丑三月蘭州撒拉爾番回蘇四十三等因救馬明心殺官拒捕佔據河

州城旋竄省城外之華林山命大學士阿桂等往勦首
進蘇四十三于六月十五日授首至七月初六餘黨藏

除悉盡詳見辛丑年誌事詩

興兵旋勦除謂其類盡已赦過李侍堯

實資能經理明練夙著名孰謂債軋是偷安一切怠養

癰近尺咫

辛丑年蘇四十三滋事時李侍堯獲罪繫獄因其平素尚明練曉事加恩赦宥復用為陝

甘總督貞以經理善後事宜詎李侍堯姑息養癰致邪
教回民田五等復糾衆謀逆田五等係內地回民近在
咫尺尤非撒拉爾番回可比乃于四十六年逆回等修
理石峯堡且聚衆禮拜寺謀逆李侍堯均毫無覺察及

田五等起事肆逆李侍堯復逗遛靖遠並不親督官兵
連行勦捕以致賊人兩次翻山逃竄糾黨肆逆實為始

誤貽田五明心徒復讐謀亂詭據阿桂福康安奏獲賊

父據供田五係馬明心之徒因欲與馬明心報仇于本
年三月內令李泰恭父子糾人入夥約于五月初五日

起事謀逆嗣緣被人告發所以四被創雖自戕應者如
月十五日即從小山起事等語

蜂蟻遂不可爬梳流言滅回邇以改應者眾攻城切閭

里賊首田五雖於五月內被創自戕餘黨李翳子馬翳

于通渭隆德靜寧伏羌及鹿鹿嗟我遭燹民蠲租早頒

山店石峯堡等處肆出滋擾量逆回滋擾地方先經降旨令該督查明被難良民酌

量撫恤並將本年應徵錢糧全行豁免自此民情大

定并有鄰村百姓縶送民情遂大定縛送賊比比更因
逸出賊匪紛紛擒獻者

遣重臣勇將進兵駛店折賊鋒石峯圍賊壘

甘省逆四之事

李侍克剛塔不能辦理因命福康安為陝甘總督同海
蘭察帶領已圖魯侍衛等馳往福康安甫到隆德即進
剿店店奮勇殺賊數百名生擒三十餘名賊勢先已挫
折後路肅清隨直搗石峯堡而阿桂所率之八旗勁旅
亦至因四面設卡層密環圍潛掘壕溝防竄周濬壕威
斷絕水道賊已如釜底游魂尅期殲滅

命亟斷水猶慮如華林成羣鬪以死茲乃得生口盡善

仍畫美

阿桂福康安奏石峯堡賊人自斷水以後晴霽
數日情甚惶急七月初三四日陸續放出男婦

一千五百餘名初四日晚福康安同海蘭察等及巴圖
魯侍衛率領各營奮勇官兵阿拉山兵七練降番于石

峯堡卡隘之外層層分布埋伏至子刻賊首張阿渾同
楊填四等率賊向外直撲大通阿渾帶賊在後接應思
欲奪路逃竄我兵鎗箭如雨盡力截殺維時海蘭察即
率同台斐英阿福寧阿滿泰帶兵馳往白外層層圍裹
痛加殲戮福康安于各路督催明亮保寧成德圖桑阿
額爾恒額法靈阿蘇靈等見賊即截殺賊匪自相殘踏
里夜力戰直至寅刻殺賊千餘屍積滿壕縱橫遍地張
阿渾被我兵射傷復與大通馬阿渾等竄回堡內至黎
明福康安同海蘭察明亮等帶領各路官兵一擁直上
復興旺沁班巴爾傳玉等督率官兵進堡搜捕擒殺將
賊首張阿渾即張文慶茂通阿渾即馬四娃及賊目楊
填四黃阿渾即黃明馬建成馬良大馬金玉楊存義馬
建機馬建業馬保等全數擒獲又生擒賊七百餘割取
首級八百餘計兩日內共殲擒賊回二千餘拿獲首從
逆犯及婦女孩稚三千餘所獲牲畜糧食器械帳房無
數此次勦滅賊巢成功迅速大學士公阿桂加一等輕

車都尉世職福康安晉封嘉勇侯海蘭察加一騎都尉
世職伍岱授為都統并予騎都尉世職旺沁班巴爾加
一公職銜與其弟其餘在事出力之大臣官員及巴圖
魯侍衛等均令阿桂福康安查明分別具奏另降諭旨
甄叙軍機大臣和坤加一輕車都
尉世職餘俱着交部以軍功議叙躬返審為政勉愛民

如子獎吏首以廉亦鮮簞簞水旱莫不賑肯令溝壑

委數

去聲

節可自信實未應有此彼回本吾民奚曾少異

視而忽逢此變斯誠劫數爾究緣化未淳慙愧惟責已
更憶聖經云哀矜而勿喜

御製遲速論

甲辰

今春為南巡記亦既詳論宜遲宜速之機大抵於兵事宜速河務宜遲而要於敬

天明理非漫論也蓋屢省而有得於己之言也歸而有甘肅逆回田五之事彼時以為盜弄潢池不過藉邪教以惑人心如五斗米一炷香之類地方官自能平之頗不芥於懷既而思之不芥於懷或即違敬明之義得毋有所失乎已而剛塔有小勝之報李侍堯有坐守之乖以致賊徒翻山而遁餘黨蔓延猖獗肆擄民居攻縣城

自今年四月南巡迴蹕日即有甘肅逆回田五等復借
新教名色糾眾滋擾提督剛塔帶兵往捕田五鎗傷後
自刎賊目田介洪吳二韓二等均已就擒乃剛塔武夫
無知李侍堯不早赴軍營調度督勦致餘黨李翦子馬
翦子等于馬家堡馬營街兩次翻山逃竄因復糾黨張
文慶馬四娃楊填四馬文熹等四出攻犯隆德縣靜寧
州通渭縣伏羌縣城于該處之店店鹿鹿
山石峯堡等處肆行搶掠賊勢遂致蔓延
沅遂有徵兵防守之義蓋恐秦隴煽動不可收拾朕閱
所奏即硃批以為若汝所議雖十萬兵不敷用又將何
以滅賊乎
西安巡撫畢沅因見回匪猖獗恐秦隴煽動請於各處要隘分兵堵塞使其無路奔竄等語畢沅書生之見未嫻軍旅朕謂用兵在扼其要而折其鋒苟不殲厥渠魁東西抵禦何益因即批諭如汝所

等十萬兵亦不敷用
又何以滅賊搆穴乎
熟知李侍堯剛塔畢沅及本省綠

旗兵不能了此事即降旨用福康安為陝甘總督同海
蘭察領乾清門巴圖魯侍衛章京等二十八人馳驛先
往並調阿桂山蒙古兵一千四川降番兵二千寧夏滿
洲兵一千撒拉爾老教回兵一千及甘涼兵二千延綏
兵一千共兵不滿一萬又命大學士阿桂領健銳火器
營兵二千以為後勁福康安一臨庑店即與海蘭察等
率先至之寧夏阿拉山兵二千立挫賊鋒逼之入石峯

倭福康安至隆德軍營即與海蘭察率先至之寧夏阿拉山兵進剿度店奮勇殺賊數百名生擒三十餘名

賊勢膽落後路肅清餘賊追遁入石峯堡於時諸路大兵雲集直搗石峯堡賊巢而阿桂所率之八旗勁旅亦至因四面設卡層密環圍濬掘壕溝斷絕水道不十日間賊匪殲淨盡將賊首張文慶馬四娃楊填四等全數生擒與先獲之馬文燾等一同解赴熱河廷鞠分別斬磔以中國法而快人心於是諸路兵

陸續畢集而阿桂所領之京兵亦到周圍築柵困之斷其水路不十日而淨殲餘孽生獲渠魁此又南巡記所謂宜速而莫遲未致昧事機而無成也夫兵凶戰危且予老矣豈更樂於用兵而有窮黷之為然事機之來應

之不速設果至賊氛蔓延全秦煽動如畢沅之所慮者
豈不貽笑無窮而予肯辭以老坐視弗理乎予更思之
勝國之兵即今之綠旗兵也而其訓練或尚不如今之
綠旗其董事之臣似今之李侍堯剛塔畢沅者或亦少
矣文臣掣肘於中武臣作偽于外其君付之不問弗如
是則我皇清何以得有明之天下乎雖然是宜鑒宜懼
而不可恃天之寵以自矜且即小可以喻大勗邇逆回
設非應之速而剿以淨其害有不可勝言者始之一念

之忽予深自以為過繼之一念之敬仍蒙

天佑而速歲功則是遲速之論可以默置而弗以明示子孫乎可弗以前明為戒而怠於敬

天暗於明理而弗慎於用兵乎用兵固責速而不敬不明未有弗致債事者是予所以惓惓也

臣等謹案平定甘肅逆回之舉由乎新教倡既本宜申憲典而快人心重以其黨潛相煽誘肆虐里閭竊據城邑爰有勦逆之師此所謂不得

已者也伏見我

皇上慎重軍營先以安輯民志為要故雖鴟張至再
率皆殲洗無遺而其間經

聖明洞照深悉一二董軍之非其材與本省綠旗兵
之不能藏事用是

神謀密運紀律申嚴先後兩奏斯績民情於是乎大
定自茲

昭宣威德善後安良百姓咸安堵慶太平而

聖心猶謂不肯以老坐視特反復申明


著之於遲速論中逮今

八表大年

觀成三捷豈非

天賜嘉貺增

耄齡之美盛以延豫順之庥者歟



八旬萬壽盛典卷二十四

欽定四庫全書

史部

欽定八旬萬壽盛典卷二十五
六

詳校官兵部郎中臣孫球

欽定內庫全書

八旬萬壽盛典卷二十五

盛事

一

慶得

皇元孫

一

臣等欽惟我

國家累洽重光

天庥滋至

皇上緝熙凝命純嘏爾常

御極以來孜孜夙夜凡所以仰承

昊眷和恒兆民

德威之所綏懷聲教之所暨訖巍巍蕩蕩集福履之成

古無有倫冊不勝紀

宸衷淵若兢業滋深臣等朝夕左右仰見

宵旰彌勤

乾行彌健無時無事不以

天

祖為心民物為念黜華崇實無取繁文若前代瑞應之圖

符瑞之志皆斥而弗道而自

七旬萬壽至今上自

宮廷下逮臣庶內而都邑外至荒遠不賓之地靡不

鍾祥集慶輻輳鼎來同我

邛隆福應尤盛益

天儲千古非常之福以厚畀我

皇上

皇上萃千古非常之福以敷錫寰區六合之間太和蒸

洽敦為壽祉宅為醇風引為雲初會極歸極而臻
大同大順故備福之盛則有

五福五代之堂焉

錫福之盛則有三千叟之宴焉雲漢章

壽考之符

辟雍流道德之富期頤之老肩踵相望生齒之繁曾

元遞衍年穀則順成屢報鄉閭則媯睦成風在

國為嘉祥在民為家慶至如西禪慶讚頤婦

榮施凡皆不期然而然備吉祥之應徵諸事則實而非

虛揆諸義則正而不詭

臣等恭纂

盛事一門以昭

仁壽同登之慶焉

乾隆四十九年正月

皇上以新歲將慶得

五代元孫晉封

皇長孫綿德固山貝子

乾隆四十九年正月十四日奉

上諭皇長孫綿德之子奕純新歲可以得子朕慶抱元
孫五世一堂實為古稀盛事自應特沛恩施以衍奕
禩雲初之慶綿德著加恩晉封固山貝子嗣後宜益
加謹飭常存敬畏以期永承恩澤副朕諄切訓勉之
至意

閏三月初八日

皇元孫生時

聖駕六巡江浙十二日

駐蹕龍潭行宮留京王大臣馳奏稱賀

御製詩誌喜

御製留京王大臣飛報得五代元孫之喜詩以誌意 甲辰

飛章報喜達行軒

十二日駐蹕龍潭行館留京王大臣等由六百里馳報本月初八日皇曾

孫奕純慶得皇元孫之喜具摺稱賀

歡動中朝及外藩

予得五世元孫實自古帝王罕有之

盛事一時扈從王公大臣及外藩蒙古王公等下逮官員人牧聞之無不額手歡忭同聲頌慶

曾以古

稀數

上

六帝何期今復抱元孫百男周室非五代三祝

堯封是一言耄耄人多茲鮮

聲上

遇

世之

登耄耄者甚多

觀予今年古稀有四已得五代元孫實為我國家萬禩雲初之慶

上蒼眷佑如此優渥予惟日益孜孜勤

政愛民以期仰副耳

獲茲惟益凜

天恩

御製命彭元瑞曾文埴檢四庫全書古來有元孫者有

幾據奏自唐迄明凡六人詩以誌事

甲辰

五世元孫膝上珍

子為膝下至若元孫反當抱之膝上矣

檢茲有幾命儒

臣奏來詳悉翻四庫特出禎祥得六人

四庫全書載唐錢朗宋張璪元

吳宗元明羅恢歸璿文徵明
六人皆以耆壽得見元孫
因查自三代以下帝王年逾七十者漢武帝梁高祖唐
明皇宋高宗元世祖明太祖凡六帝然皆未親見元孫
也
贏其家慶我饒臻如斯

天貺叨駢疊忍不勅幾心愛民

昨因慶得五世元孫命彭元瑞曹文埴檢閱四庫全
書自古以耆壽得見元孫者凡幾人茲據奏三代以
上不可考秦漢以後隋以前未有其人惟山堂肆考
載唐錢朗南昌人仕唐官光祿大夫元孫數人皆以

明經為縣宰年一百七十餘歲又周必大平園續藁
載宋張燾饒州人孝宗時叅知政事年七十五見元
孫一人又宋漁潛溪集載元吳宗元紹興人不仕年
八十八及見元孫舉觴為壽抱置膝上望者謂神仙
中人又明文衡載明羅恢吉安人永樂時官國子監
博士年八十二見元孫一人又明歸璿常熟人即歸
有光之高祖見有光集璿有高元嘉慶堂顧九和為
之記又明文徵明甫田集載戊午元旦詩有百歲幾

人登耄耄一身五世見曾元之句考徵明年九十有
元孫二人等語臣庶以耆壽得元孫者僅止六人帝
王中臻斯盛者尤未之前聞余叨膺

天貺嘉慶駢蕃若此惟有益深乾暢勅幾愛民以異仰答
昊蒼純佑耳

御製元旦試筆

己酉

農諺申過酉入初乞漿得酒祝休徵論旬負辰七將八
數聲世弄孫元繼曾漫惜歲增為歲減且欣年減是年

增處尊位久滋深畏消息理昭切業兢四始開晨法太
微勅幾方寸凜惟幾亮功凝績理紀協九寓萬邦留熟
祈戒老已忘戒彼壯用寬自勝用其威厯千以六逮乎
丙歸政吾將泯是非

賜皇元孫名載錫

聖祖親見曾孫四五人嘉名肇錫

皇子輩行用永字皆

聖祖所賜也乾隆丙寅

宴宗室於惇叙殿始

命皇孫一輩行派以綿嗣後

皇曾孫輩用奕字至戊子新正

御題歲朝圖以進

慈寧有永綿奕載奉

慈娛之句首三字既以

慶源三世排序成文更為萬年佑啟按字開支引之

無極

皇元孫既誕遂

命是名焉

駕幸

皇長孫第

臨視元孫

是年十月十一日

駕自圓明園幸綿德邸第

閱視

皇元孫

親抱置膝上

膳畢

還宮

乾隆五十四年正月十四日

皇上於奉三無私小宴宗藩

命皇元孫入宴加

賜

先是

皇上命

皇元孫六歲讀書時即令入宴以實副五代同堂之
慶屢有

御製詩紀盛至是年

皇元孫已屆六齡因

命入宴

加賞

御製上元前一日小宴宗藩及諸孫曾

乙巳

昨經千叟柏梁聯例用今朝

祖宴傳

康熙壬戌科宴賦詩用柏梁體

皇祖同廷臣昇平嘉

先節親

親宜此日于時語語視常年座間帝系欣看奕

凡孫曾輩娶媳

者乃准入宴

編展書房待與元

孫曾輩例于六歲即入上書房讀書欲元孫載

今逮奕純矣錫六歲讀書時即令入宴以實副五

撫序允應增慰慶

却因望雪意怦然

御製上元前日宴近支宗室及子孫輩有感而作

丙午

熙朝慶節未宜孤始自親親和以愉可識平章建皇極

要惟敦叙握神樞一元雖有待長

去聲

彼

元孫

載錫

方三

歲未可入宴行

聲

彼

元孫

禮待其六歲讀書即可入宴矣去歲此宴即有編展書房待預元之句

同行

去聲

不無都少

聲吾

今予同行

弟兄即一二長於予者

率不能行走同宴者皆少於予矣

叔輩

斯今不可

見欣然耶勝戚然乎

聲

彼

元孫

載錫

方三

歲未可入宴行

聲

彼

元孫

載錫

方三

歲未可入宴行

聲

彼

元孫

見欣然耶勝戚然乎

御製上元前一日家宴近支宗室及孫曾輩即席成

句戊申

天橫繁衍連千多支近節前家宴和晴烘

去聲

葦筵連座

暖雪凝玉樹喜庭羅顧無長上聲歲過於我剩有七年且

待他

計至乙卯歸政之期尚有七年

已看曾孫厠席末元孫預立酉春

賊

明歲已酉元孫載錫年已六歲當入學上元前一日家宴可預列矣

御製上元前一日小宴宗藩及諸孫曾元用乙巳年

韻已酉

到園已是掛燈聯節宴韋行柑例傳詎幸七言成昔日

竟符五代慶今年

孫曾輩例於六歲入上書房讀書至娶媳後乃與節宴惟元孫載錫慶衍

瓜綿尤為天家盛事不必拘以常例欲俟六歲讀書時即可令其入宴是以乙巳上元前一日小宴宗藩及諸

孫曾詩有編展書房待預元之句今歲載錫已及入宗
學之年遂同預宴拜跪如儀允符五代同堂之慶
枝繁以承

諸祖世代增惟叨

上元顧鮮長年肆筵者

座中久無叔輩即同行皆三
十歲之人亦無長於予者躬

黃耆矣笑何然

乾隆五十四年二月十二日

皇元孫入學

向例

皇子

皇孫

皇曾孫俱以六歲入上書房時

皇元孫年屆六齡於二月十二日

命入學讀書

命宗人府查宗室內載字下一輩

特恩賜名

乾隆四十九年十月初四日内閣奉

上諭向來宗室惟近支依皇子皇孫輩命名其支派稍遠者命名即不得依此行輩本年因得伍世元孫命名載錫將來載字輩下再得六世來孫應用奉字因令宗人府查宗室內載字下一輩遠支已有希賢覺隆阿二人是自

太祖以下至今已有十一世瓜瓞繁衍本支極盛朕心深為欣慶著加恩依奉字輩希賢賜名奉福覺隆阿賜名奉壽并查其父今當何差著宗人府奏聞以示朕

親族推恩仰承

天眷啟佑萬年之至意

御製新正重華宮 丁未

青宮花甲歲週諳 雍正丁未予年十七始居重華宮至今歲丁未正六十年襲慶何

非

帝澤覃十一世茲親見七 前歲得元孫載錫因名查太祖長子褚英支派下子

載字輩下又得一輩因賜名奉福奉壽為十一世而予建事皇祖皇考下見皇子皇孫皇曾孫皇元

孫是親見七世矣仰蒙天八旬壽速近餘三年 予今年七

卷錫慶蕃昌實為古所未有

八旬壽盛典

十三

次定四事全書

十有七閱三年即為八旬正壽夙願乾隆六十年歸政
則為八旬有六矣茲尚孜孜自勵不敢少懈敬勤耳聯
茵東壁開文譚迓祉初正賦雅談舊什新題遍楮牘不
渝一敬祝農蠶

皇上喜得五世元孫推恩海內

命各省督撫查所屬紳士庶民身及五代同堂者
加恩賞賚並

御製詩章

御書匾額以賜

詩章匾額俱
恭載各本條

乾隆五十年正月十六日内閣奉

上諭朕仰承

天眷上年喜得五世元孫嘉慶駢臻恩施宜渥因令各省
督撫查明所屬紳士庶民有身及五世同堂者加恩
賞賚茲據造冊咨送軍機處彙奏共一百九十二戶
內郭有英張羽劉湘鍾君寵四人俱壽逾百齡曾元
繞膝洵為昇平人瑞朕親製詩一章分賞四家並各
御書匾額以賜用示寵榮所有應賞銀兩緞疋及建

坊之處仍著該部照例具題其未屆百齡五代同堂之張文聚等一百八十八人並著各督撫分別年歲給予匾額賞給緞疋銀兩以昭錫福推恩同登壽域之至意

臣等謹按唐堯觀華封人效祝曰壽曰富而繼以多男自是以後篤祜延祺莫如周文之麟趾螽斯疊登風始然繩繩蟄蟄祇以喻其衆多至於公姓公族不過泛引旁支以揚盛美而已求

夫曾元遞行一體相承拜拊同堂稱觴介景者
博稽載籍概乎未有聞焉我

皇上錫羨凝庥備膺多祉乾隆四十九年閏三月初

八日

皇元孫生恭屈

翠蹕南巡留京王大臣飛章馳報一時扈從王公大臣
外藩遠使下逮官吏紳庶莫不額手騰歡同聲
頌慶仰見

聖天子德以基福和以召祥

天眷申重康彊逢吉是以舉伊古帝王未有之嘉慶咸
萃於斯以光瑞牒也且備考四庫書所載編氓
中得見元孫者唐以後止有六家今則八埏之
內

壽宇廣開沐浴太和休養生息直省所奏五世同堂
者共有數百家咸得

寵賁天章榮叨卓楔斯又

昇平盛事所謂敷錫厥庶民者矣五十四年

皇元孫已屆六齡初正

賜宴宗藩

特命皇元孫入宴即于二月

命入上書房讀書敕諭之遠

家法維昭況我

朝瓜瓞蕃昌自

太祖至今共十有一世即今宗室中倫序之最小者為

奉字輩於

皇上為來孫於

皇元孫為猶子我

皇上仰膺

昊貺

聖壽日躋恭遇

期頤衍慶之期

皇元孫已臻壯齒將見來帛仍雲隨肩接踵遠

滕承

歡詩曰千祿百福子孫千億在昔為稱願之虛詞在

今為

重熙之實事職司珥筆者又當何如軒襲鼓舞以昭

烏奕之

昌符也哉

八旬萬壽盛典卷二十五

欽定四庫全書

八旬萬壽盛典卷二十六

盛事

二

慶得

皇元孫二

乾隆四十九年

皇上於寧壽宮之景福宮建五福五代堂

御製五福五代堂記

五福堂者

皇祖御筆賜

皇考之匾額也我

皇考敬謹摹泐

奎章於雍和宮圓明園胥用此以顏堂以垂永世丙申
年予葺寧壽宮之景福宮以待歸政後宴息娛老景福
者

皇祖所定名以侍養

孝惠皇太后之所也予曾為五福頌以書屏而未以五
福名堂者蓋引而未發抑亦有待也茲蒙

天貺予得元孫五代同堂為今古希有之吉瑞古之獲此瑞者或名其堂以薌其事則予之所名堂正宜用此五福之名且即景福宮之地不必別有構作而重熙累慶仍即

皇祖

皇考垂裕後昆貽萬世無疆之庥也若夫獲福必歸於好德而好德尤在好其善以斂錫厥庶民五章之中三致意焉茲不復贅予子孫曾元讀是記及堂中五福頌

者應敬思

皇祖

皇考所以承

天之福必在於敬

天愛民勤政親賢毋忘舊章予之所以心

皇祖

皇考之心朝乾夕惕不敢暇逸以幸獲五代同堂之慶

於萬斯年恒保此福奕葉雲仍可不勉乎可不慎乎

御製新正雍和宮瞻禮

丙午

例以新正禮那能

舊邸忘

聖蹤餘想像佛道合宣揚臘雪資田潤春風與物昌於

斯蕃五代

五福肇名堂

昔因敬慕

皇祖御書五福堂以賜奎文以顏楣額今繁衍五代

皇考

皆是堂有以肇慶也

五福五代堂聯句

有序

丙午

箕疇次九曰五福未及太人之占華祝惟三曰多男徒紀堯民之頌荷

天地

祖宗之篤眷欲至萬年慶來第仍雲之開先其量百世堂承五代爰即

舊額以增題宴錫重華用啟新韶而聯詠夫其位居左禁

典奉

東朝閣道旁通地發生而出震文峯對峙山靜壽以安
頤都合宮而壽考且寧開別宇則福介爾景璇題
賜邸兩言光

雲日之躔銀榜分楹一例

揭宮園之殿厓肯構肯堂而重葺他年預卜菟裘值而
昌而熾之疊轅昨歲攜來文祿衍脍曰曾孫之慶
占熊維男子之祥時舉春巡章馳日騎達佳音於
蹕路騰喜氣於江乘驩聲繞豹仗之民額手集鴻

臣之使古來有幾傳宣緒四庫之書唐後方聞希
潤臚六家之事先教晉爵有加禮而恩誌抱孫且
予錫名取諸詩而文聯篤慶結佩叶宜孫之吉語
捧觴待就傳之初齡薌盛事以顏堂抒予懷而作
記敬蒙

昊蒼之貺念符

祖考之心既沿地以宜名況書屏之有頌俾純嘏爾常
矣古實所稀攸好德則錫之皇其有極矧復潢源

上溯戶版廣稽仰

興運之綿長逮奉福壽而十有一世計齊民之長養有
見曾元者百九四家斯則襲冠帶於天宗萬葉皆
由一本繁丁黃之生齒四海不啻同堂者矣屬者
入冬告三白之祥獻歲兆八蠶之盛暘而暘復雨
而雨汜勝占之大有年子生子又孫生孫爾雅釋
云引無極排籤入座授簡言堂拈吉韻之庚庚抽
蓂思之乙乙予一人敬以作所福維千億恒益凜

保右命之自申爾諸臣詩以永言廣乃再三其母
忘風雅頌之各正也哉

御製帝王無不蒙

天眷

天眷由來萃大清上

五世承下五世

我朝仰蒙太祖至今共有十一世朕躬以上

天眷爪聰蕃昌自

太祖

太宗

世祖

皇祖

皇考凡五世

朕躬以下皇子皇孫皇曾孫皇元孫又命宗人府查出

太祖長子褚英支派下得皇元孫載

字輩下又一輩賜名奉福奉壽亦凡五世

今初生溯

昔初生

生民而見於推厥初生民舉后稷而言民之初生舉太王而言周家奕葉相承文王所以極本

支百世之成

之基之致福斯備攸芋攸寧

堂以名朱果祥貽支萬葉

長白山之東有布庫哩山其下有池曰布勒瑚里相

傳有三天女浴於池有神鵲銜朱果置季女衣女含口中忽已入腹遂有身產一男生而能言體貌

奇異及長母告之故因錫姓為愛新覺羅名之曰布庫哩雍順與小舢乘之母遂凌空而去此本

朝發祥之始也臣阿桂

白山源衍海重瀛

長白山為本朝發祥之地鴨綠混

同愛渚三江出焉源遠流長形家以為億萬年行派延洪之象

武姬胤子祥長發

雅砘風麟兆早呈

四祖全光開似續

臣松璜

五朝駿業大宗祊禩周百八昌厥後

由乾隆五十一年上溯太祖高

皇帝天命元年紀元一百七十有九年

人越二

迪

光衍慶

垂裕無疆

千盛莫京

我朝宗室繁衍合十一世現在已逾二十人實前古所未有

詠發瑤舟

深意示

皇上四巡盛京恭謁祀諸宗室來迎

駕者有

祖陵奉御製詩

易以水源本本無忘法教養成全無微不至

臣祖宗家
旬修

玉牒巨編成

向例每十年恭修本年正屆應修之期

編帙較前愈盛

玉牒一次延禧

垂裕

先一揆履順凝庥

御八紘繼繼繩繩斯揖揖

臣梁國治

御製兢兢業業久怵怵紀元大衍重開寰

今歲五十一年符大衍重開之

數有六古稀賴

賜禎佇待九年幸歸政

自明年丁未至乾隆六十年乙卯歸政之期尚有九年予惟日

益孜孜以待

吳蒼純佑

欽定四庫全書

八旬萬壽盛典

猶欽一日

慎提衡

天容春睟龍為表

聖壽古稀有六每日萬幾之暇稽古讀書無間寒暑吟詠日十

數篇臨池則擘窠蠅頭各臻神妙心力目力因應有餘實由自強不息積中形外自宜天日之

表益彰

晬盦

神武秋高虎亦驚

上年九月初一日格鳩獵罷已茲行營虞人報西

山有虎指其處

上復策騎前往虎伏叢薄中左右約聖祖所遺虎神鎗一

發中其要害立殪隨圍內外臣僕無不驚服歡悅

壽叟

恩聯排席燕

康熙壬寅年曾舉千叟宴上年

皇上御極五十年仰繩祖武復於乾

清宮舉千叟宴耆耄盈廷數至三千人之多視康熙年間入宴人數更逾三倍錫福之隆蕃禧

之厚伊古未有臣和珅耆臣朝

許待宮鶯

皇上宵旰勤勞五十年常如一日而垂念三品以上大臣年逾七十者免其凌

寒早起入朝凡在有位靡不感激加勉

躬耕勸稼南東畝

上年皇上御極以來常舉耕藉之典聖壽七十有五復履畝

親耕從容成禮不惟隨侍者臣所不能及即扶耒牽牛之耆老亦皆六十以上之人並無年逾七

者句

欽定四庫全書

八旬萬壽盛典
卷二十六

八

親講園橋大小豐

京師自元太祖建立太學以來五百餘年辟雍之規未備

皇上詳稽

典制酌古準今肇立橋門園水於上年二月上丁

釋奠之後

親臨講學多士園橋觀聽踴躍

歡欣其時瑞雪繽紛自辰入夜盈尺有餘畿輔廣
霑麥苗因之渥潤遂以有秋不惟
文治光昌

因時大備抑且來
年率育道合陳常

閣滿琅函峙吳越

皇上右文興學於
文淵
文津
文溯
四閣
四庫全

書既成之後復
三部分弄揚州之

命發帑雇募書手繕錄全書
文匯閣金山之
文宗閣杭

州之
抄錄觀摩廣敷

東南士子俾得
文教
臣劉墉
義存金鑑括

周明

於上年冬告成
欽定古今儲貳全鑑
頒賜

吉祥梵印玉螭糾

乾隆壬寅春得玉印二方鐫大西天草書一曰薩爾瓦漢語普也一曰莽噶拉穆漢語吉祥也獻歲

徵祥寶為萬妙應塔尖銀練橫日下舊聞載白塔寺遼壽昌二年建

元至元八年世祖發視石函銅餅香水盈滿舍利堅圓瓶底獲一銅錢文曰至元通寶建明天順二

年改名妙應寺上年新正月初六日恩賜千叟宴時是塔頂輪上懸一哈達哈達者蒙古語奉佛

吉祥製帛也塔高二十餘丈瑞帛飄緞非人所律能升陟佛力神通吉祥善應益信而有徵也

呂聲更九宮譜容秋張照論樂劄子云世所傳五六工

尺上等字即宮商角徵羽五音因命典司樂部諸臣將現習各樂章譜內駢注五六工尺上及

宮商角徵羽字俾樂工肄習通曉引俗介僕禮肆入雅彌昭天地同和之盛臣曹文植

欽定四庫全書

八句萬壽盛典
卷二十六

九

六篇笙

御製補笙詩六篇久謬宮商以京師
為首善之地命順天府招選伶生肄

習嫻熟於瑯飲酒禮用
之以廣化民成俗之治大雲臺麓金瞻象
月本年二

巡幸五臺曉月盧溝石補鯨
盧溝橋初建金明
昌時元明迄今幾

經重葺而輪蹄雜運石面漸致
弊壞洞門亦間有
鼓裂者爰發帑重葺司事之人有欲圻洞門

而改築者上命先拆石面以觀
洞門皆石工
鱗砌錮以鐵釘堅固莫比因祇令重葺石面

並橋之兩垂取坡就長以便重
運車行不致搖震
洞門於是成功不毀人力不勞自能杜侵冒而復

舊觀御製記中申明重葺非重
修之故以揚
舊過去之善而防新將來之弊即一事而
皇

於斯舉具矣勝事頻年登瑞牒
臣德保

御製吉音昨歲巡旌

甲辰閏三月南巡江寧迴驛駐龍潭行館是日留京王大臣跪報得

五代元孫之喜

迎鑾喜氣騰鳬藻扈駕歡聲逮鹿苹

時扈從王公大臣及

外藩蒙古王公等下逮地方官吏老幼黎民無不額手歡忭同聲頌慶

因命儒臣翻四庫

庫全書古來見元孫者有幾詳志秦間

稀聞古史溯三正

禹湯文武三代聖王考其年代世次俱未及見元孫嬴劉

來渺天家胄唐宋下徵編戶氓

徧翻四庫全書自秦漢至明帝王從

未得見元孫者編氓中雖間有之然自唐以來亦止於六家

朗教明經仕州縣

山堂肆考載唐錢朗南昌人年一百七十餘歲有元孫數人皆以明經為縣宰 臣福長安 燾

官執政出簪纓

周必大平園續藁載宋張燾饒州人孝宗時官參知政事年七十五

見元孫一人

延陵仙眷卮為壽

元吳宗元紹興人年八十八及見元孫舉觴為

壽抱置膝上望者謂神仙中人見宋漁潛溪集

國博儒風金滿籬

明羅恢吉安人

永樂時官國子監博士年八十二見元孫一人事載程敏政選明文衡中

嘉慶璿因作

記顯

明歸璿崑山人即歸有光之高祖有光集中載璿有高元嘉慶堂顧九和為之記

王元春璧本以詩鳴

明文徵明甫田集載戊午元旦詩有百歲幾人登耄耄一

身五世見曾元之句考徵明年九十有元孫二人

遼哉六氏人閱世美矣

兩章辭見

情

皇上喜得元孫有內廷翰林查奏後復有

御製誌喜詩一章據御製誌事詩一章

忍

弗民之愛是亟

心愛民之句仰見御製誌事詩中有忍不勃幾皇上絜矩

引申誠求保赤臣金簡凜茲

天所貺非輕

御製誌喜詩中有獲茲惟益凜天恩之句仰見皇上凝承昭事一

氣感通古來亦有鄉其事時至應知候不爭

上茸皇

寧壽宮內之景福宮曾御製五福頌書屏而未以五福名堂者蓋引而未發今五代一

堂昌期累洽重熙於斯為極盛五福語從洪範演紀

時

御製重修宮憶考工營

丙申年寧壽宮落成及今十載

前寧壽寫廟堂制

寧壽宮之制仿坤寧宮為歸政後祀神之所其前為皇極殿則朝堂規制將來受朝所臨御也後景

福圖燕寢亨

聖祖當年奉

孝惠

景福宮為惠皇太后所居

皇祖恭奉

孝

皇王作宇養

昇平庭披都福東分祀

景寧壽宮在運門之東

室邃頤和左接楹

宮制分中東西三路
景福宮為寧壽宮東路

象取日升滄海

上元彭瑞

宿臨星壽角亢瑩

角亢為東七宿之首爾雅壽星角亢也

翠鬟雲竇

盤崱峭

景福宮相近有翠鬟亭又有石洞鑿雲竇二字

佛日梵華垂珞

嬰

佛日梵華二樓俱在景福樓後

保泰門開橫雉堞

保泰門東出正對

紫禁左垣

臣董誥

暢音閣迴面雕甍

閣在上皆

景福宮前以寧壽宮東路

與宮密通

景福年長者石文而質

文峯石在景福門之外

春盎有

梅元起貞

景福宮西橋外植梅

內外福連楣藻麗

景福宮額懸

門外前簷堂內懸五代堂扁

臣莊存與

詩書典引帖芝榮

內堂

御筆聯云燕翼仰貽謀斂時五福瓜綿徵篤祐至於萬年句述詩書義蘊廣大

不華不

樸居惟適即舊即新役豈更

寶示諸有典有則

皇上七旬萬壽鑄
子寶甲辰歲既顯斯堂又鑄
古稀天

五代堂寶又連其文鑄
子寶
奎章寶帙皆鈐用之
臣陸費墀

御製記言之為法為程
前年既揭堂額因
作記以述事垂訓御園

藩邸恒欽仰

五福堂額乃
皇考敬摹於雍和宮圓明園
皇

用之以願堂予自少至
於今朝夕每深欽仰欽已錫民永惠行有待額斯竟

如願待
予臨御五十年未備五福之名遂以願堂考蓋有
天庥而邀
祖貺今竟得古今希有吉

瑞實我國家萬世子
孫中錫無疆之慶也

欲傳

心本自先盟

以下恭繹五福五代堂記

御製

德攸予好泉旁達

記云獲福必歸於好德

善與人同本邕萌

記云好德尤在好其善以斂錫

厥庶民

敬曰明而敬曰旦

記云敬天臣沈初

安其鑿

與安其耕

記云愛民

幾惟萬政法行健

記云勤政經次

二賢占彙征

記云親賢

由厥舊章欽自昔

記云毋忘舊章

臣以粵撫入學

聖政敷天共仰臣向以中書為軍機司員

聖

親見事愈徵

勅幾典學今更得讀行健之功致福之本

睿文而賡盛臣孫士毅

所其無逸語詳精

記云不敢暇逸

曰三致意

親書宸

製五福頌文經 記云五章之中三致意焉蓋宸翰書屏揭於堂中

御於萬

斯年

厘見羹

祖 記云於萬斯年恒保此福蓋體世祖朝乾夕惕之心以致見羹見牆聖

之 論採蘇文洵具備

景福語出周雅既醉之章所謂既醉備五福也蘇軾有論

朱珪 詞卑何賦但譽諱

何晏景福殿賦駢儷華藻無關大義 物浮大

小水為氣

韓愈云氣水也言浮物也舉以示為文之法伏讀

御製文鴻

鈞然運元氣充周非
取喻於水所能盡也
中判危微

言乃聲

法直契精一危微之旨著之為文言乃心之聲

矣

子梓孫孫德金玉

今

皇子

皇元孫

命

名皆從玉旁

旁
胡高望

御製祥詳珮珮器瑤瓊

近咏古玉宜子孫珮詩有是珮誠

佩二字從玉為器從人為事因以祥詳亦韻同而義別
連類及之聯句詳紀祥徵於宜子孫之珮恰相叶吉也

晉封識喜含飴合

甲辰新正以皇長孫公綿德將有抱
孫之喜先晉封貝子以為迓喜延祥

之兆既而果如所願一堂五代祖
孫共慶飴含洵天家希有之瑞也
載錫命名置膝并

皇祖親見曾孫四五人嘉名肇錫則自最長之永琛始
是以予之子姪輩用永字胥皇祖所賜也乾隆丙

寅宴宗室于惇叙殿其時綿德尚未生而近支宗室中
已有與皇孫同輩者衍派以綿則予所命也後一年而

綿德生又二十一年而綿德生于命名奕純至戊子新
正題皇六子永瑤所畫歲朝圖恭進慈寧因有永

綿奕載奉慈娛之句首三字既以慶源三世排序
成文意更為後來似續按字開支引之勿替是以皇元

孫以載錫命名並查宗室中載字下一輩二人賜名奉
福奉壽計予歸政後年至九十則載錫年當十七或可

見奉字輩來孫增六代同堂之慶雖此願未敢預必而
上年千叟宴中九十以上親為賜卮者且十數人可知

壽世長齡亦屬尋常之事予惟頤祈麟角崢嶸能仰笑
天佑以為召祥迓福之本耳

甲辰初冬予親臨綿德邸第閱視元孫抱置膝上見其頭角崢嶸依依仰笑實深欣慰

龍珠的皪見高擎生三月解瞻

仙仗

天一笑看攜錦綳

曲賚

優恩數亦異

節慶

皇上

篤愛

元孫

凡年例

重熙屢洽祉加羸

后慈慶下

聖祖躬承

永字輩凡

孝莊

文皇

六世已為世所希觀我

親見七世衍祥未艾備祉

聖

彌歸餘值閏桐枝長

皇元孫於閏三月初八

獻

欽定四庫全書

八旬萬壽盛典

十五

壽維南

華蓋迎

聖駕南巡喜聞吉報正合維南獻壽之占

佇教方名臻總角

臣童

鳳三即陪

家宴預稱

觥

向例上元前一日筵宴皇子以下凡授室者方得侍座上年御製小宴詩有編展書房待預元

之句蓋聖意待皇元孫六齡入學之年即令預宴以實副五代同堂之慶也寅秋

惇叙

膏流葉

乾隆丙寅年於惇叙殿賜宴宗室

卯歲

乾清

露浥莖

乾隆癸卯新正於年已及歲之閒散俱

乾清宮普宴宗室凡賞給四品頂帶視奉

字行尚猶子

現在宗室中倫序之最老者為奉字輩於皇上係屬來孫皇元孫

雖在繡祿已居季父行矣臣吉夢熊

在元孫輩總為兄

上福履皇

所綏椒著繼衍將來皇元孫輩鴈序衆多皆肩隨踵接之弟也

周男則百世非

衍

有周室百男非五代之句御製得元孫誌喜詩

唐院計千慶未宏

唐有

千孫院亦非五代一堂

詎數磐宗系著表

臣季學錦

御製爰咨置吏奏馳倅

前因慶得元孫隨侍詢各督撫將民間得元孫者查明咨報彙奏

六家見者期頤逮

據直隸江西山東四川廣西各督撫奏報百歲壽民五世同堂者現有六

五代同將二百盈

據各督撫奏報五世同堂者共得一百九十四家計其數已將盈二

百壽世共民沐

天佑泰朝有

詔荷

恩令

乾隆五十年正月初一日凡民間得元孫者均如

恩詔賞賜

蜀中翼已儕

期羨

四川達州壽民張子翼年百歲有子三人孫八人曾孫六人元孫三人

江右爵

還倫偃鏗

江西龍泉縣壽民古朝爵年百歲子孫曾元並萃一堂

若粵若齊

若郊甸

廣西桂平縣生員鍾君寵山東聊城縣張羽歷城縣劉湘直隸順義縣郭有英四人

皆壽登百歲曾元五世

臣黃軒

汝張汝李汝月英

直隸張璧湖北李進也貴

州孫月英各得元孫自八人至四人門烏卓楔標

人瑞

會典載凡民間壽至百歲以上者給與建坊銀三十兩表其門曰昇平人瑞竹馬

照盤圖戲嬰

皇上女懷厘念寓意翰墨如戲

大化翔洽問閭生齒皆際

辰昌蕃以殖

臣吳壽昌彼因文顯炳而弼四庫全書中唐後

以仕籍得存記載御製詩比之馬遷青雲之

美若今日之編戶齊氓亦得以

國慶附彰家慶

名列秦章事登
御集
真曠古未有之遭逢也

榜書四字妙八法

古朝爵曰繁頤餘慶鍾君寵曰養庠

衍福張羽曰引年鍾威劉湘曰
廷齡餘慶郭有英曰期瑞繁昌

賜句疊章諧五韻

子翼疊韻一首
御製祥字韻詩一首
賜張

韻一首
各省五世一堂得一百九十四家又
詩二首
紀

五章
元音
宣布數叶五韻
民子

君親衣泉食

伏讀
御製黔黎滋盛寧非喜衣食謀
艱厓可憐之句仰見我
皇上愛民如

子授衣謀食無日不厓宸懷是以
德
洋恩溥舉一世而齊登仁壽也
汪如洋
夫

耕婦織襪兼荆

織

御製賜古朝爵詩有夫耕婦
一家昌之句于歛時數錫之中

即具訓俗
型方之義

大生之宇

皇春堪中午當陽穀日晴宴以承

歡效

堯祝

臣鄭
際唐

御製

詩母侈頌慕臯賡嘉祥允矣超前古負荷艱哉凜後

庚堂構克昌百世永箴辭惟最一心誠

御製重華宮茶宴廷臣及內廷翰林用五福五代堂聯

句復得詩二首

重華復此試茶筵共迓春禧

恩沐駢憶昔室家賦琴瑟

雍正五年於此娶孝賢皇后

至今襁褓逮

曾元一身

上下見七世

朕曾侍

皇祖承

恩訓

百歲光陰

餘廿年未免定安畧迴惜

元孫載錫為皇長子定安親王永璜之曾孫惜其未得見

也尋思萬事那兼全

門前雙象峙嶢嶢十二重樓積玉霽瑞色春膏誠罕遇

聯吟接席敬逾生諸臣踰濟數合宿

聯句諸臣共二十八人

五代

廣揚韻用庚茗椀文房頌有例浮香真不負三清

重華宮茶

宴以梅花松子佛手用雪水烹之即以御製三清詩茶椀并賜

乾隆五十年

皇上於圓明園五福堂增題為五福五代堂

御製題五福堂

乙巳

五福堂昭

聖日臨園中最古歷年深聞詩聞禮那忘昔益敬益慙
直至今

祖德

宗功慶貽世曾看元抱幸從心待之五十載一詠

五福堂額

為皇祖御書以賜皇考雍和宮及圓明園此堂並募泐恭懸昨歲喜得五代元孫為五福五代堂記

因數典於此仰惟貽慶鍾祥當賜額時已遠兆庶徵而予所以遲至五十年始一題詠者亦留

以有待于今日耳 得以艱惟慰以欽

御製五福五代堂題句

敷錫名垂洪範篇

洪範云欽時五福用敷錫厥庶民本非自厚其身之謂迨至庶民保極實

則一人永膺多福也

祖功

宗德已身肩

三朝厚幸雙文益

五福堂之名乃皇祖御書以賜皇考者甲辰予見元孫得增二

字曰五福五代堂以昭垂裕蓋八八
袁初開五代早全予之蒙福實為厚幸袁初開

五代全苞茂即今看秩秩旰宵惟是勵乾乾奉時

佈惠宜春日欣遇多收鮮緩蠲

每歲新正加恩展賑備灾州縣用普

春祺昨已酉歲各省收成俱在八九分以上雖直隸江蘇安徽河南湖北五省間有被水處所合計各省尚不及二十分之一已飭加意賑恤是以新歲蠲緩之數甚鉅上天眷佑嘉興億兆同荷福禔惟當益勵乾寅以協敷錫保極之意耳

乾隆五十二年

皇上題避暑山莊勤政殿之後殿為五福五代堂

御製避暑山莊五福五代堂記

五福五代堂之匾既額於寧壽宮之景福宮茲復額於避暑山莊者何故敬惟本朝

家法於凡內殿理事處

御書之匾莫不歷代撫勒以誌繼繩殷志故正大光明

自

世祖至今四世勤政殿自

聖祖至今三世摹額諸楹是訓是行章章可考

自世祖書

正大光明四字懸於乾清宮嗣是聖祖書之觀德殿世宗書之圓明園予又書之避暑山莊勤政殿

凡三在瀛臺者聖祖所書在圓明園者世宗所書予於香山靜宜園及茲避暑山莊亦書之

因是而繹思之正大光明修身正心之要勤政則治國

平天下之本也。內外交勗，本末相資，觸於目而儆於心，敢不以是為棘乎？若夫五福五代之堂，則自予始予蒙祖考之佑。

昊天之眷，古希有七。曾元繞膝，是宜題堂以薌其事，而勵其欽然五福之名實亦。

皇祖昔年所賜

皇考之堂名也

皇祖御書五福堂匾額
皇考敬謹摹泐懸之
賜我

和宮及圓明園乾隆丙申予葺寧壽宮內之景福宮以待歸政後居也。因為五福頌書之屏間。至甲辰予得元

孫五代同堂為古今罕有之瑞因即景福宮增書五福五代堂之額誌慶五福之義見於景福之記訖不複綴茲特舉

歷世所為正大光明勤政之書以申寓修身正心治國平天下之訓蓋守此訓然後可以保五福是則相需殷而相得彰我子孫曾元敬承

天貺世世書此必思

祖宗垂訓之意慄慄危懼永保

天命可不覆乎因用此例書五福五代堂之匾以額於

避暑山莊勤政殿之後殿蓋此山莊即予十二歲時受
皇祖教養深恩之處也今得五代同堂

神御咫尺有不愉悅而慶幸者乎則予所以慕

含飴而懼隕越又豈言辭所能宣述者哉設予子孫不
負

祖宗垂訓惟日孜孜正心修身治國平天下或邀天錫
亦得若予五代同堂而重書五福五代堂之匾以額各
處又予所永望而不敢或必者也是為記

臣等謹按詩小雅斯干之篇備言堂室之制而必以攸芋攸躋攸寧頌美君子且繼之曰太人占之維熊維羆男子之祥是又以子姓之繁昌徵福祚之永錫然亦不過詩人虛譽之辭非必實有其事而後為堂為室落其成而紀其盛也又考之書既勤垣墉惟其塗墍茨既勤樸斲惟其塗丹雘設輪奐之美必別有構作而不惟舊貫之仍則於肯堂肯構之義猶未協也欽惟我

皇上德懋作求道光垂裕

御極之四十有九年春

皇元孫生

五代一堂為古今未有嘉慶於是

五福五代堂之作以薌其事而觀厥成按堂以

五福五代名者凡三一則

寧壽宮之景福宮為

聖祖仁皇帝所定名我

皇上敬繹景福之義而因以是名堂者也一則

御園之五福堂為

世宗憲皇帝摹

聖祖仁皇帝御書以顏斯堂我

皇上敬惟五福之說而因以是名堂者也一則

避暑山莊之勤政後殿我

朝

家法如正大光明勤政諸

御書莫不摹勒

內殿以誌訓行爰仿其例而以是名堂者也蓋五福之徵必原好德

延祺錫羨慶衍曾元受福孔多允足光昭瑞牒乃宸衷乾惕猶日孜孜殷然以繼繩之志為貽穀之謀凡所為敬

天者即體天行之健以仰承

天庥所為勤民者即本民畧之畏以斂錫庶民溯

垂訓於前寧儼羹牆之如見兢兢乎履盛思謙之意具

著於

御製記中而且嘉樹不忘興懷


顧復為

詠歌者至再至三然則斯堂之作非徒侈美盛之觀

而實寓無逸作所之訓日監時出

垂範無窮是豈懷鉛握槧摹繪

光華者所能揚扆萬一也哉



八旬萬壽盛典卷二十六